

Globt wean

I hob an Hang zum Überschwang
A wenne scho lang glang
I kämpf mitm Noagal in mei Glase
de andan san längst hoam
Oba am Dog noch dar Extase
Schaue kaase aus da Wäsch soquase

I hob a Neigung zur Übertreibung
wanne ma koan Rod net woas
I hob de feste Überzeugung
i bi da ollaetzte Schoas
Und es is de richtige Beschreibung
dase nimma weida woas

**Fia a wengal globt wern dad i vui
nur a kloane Belohnung fia mei Gfui
Nur a wengal Anerkennung und net mehr
Lob mi und i bin dei - Generalsekretär**

Nia mach i olles richtig
Imma mache wos verkehrt
Dabei bine do so tüchtig
nur leida sinnentleert
Und oans is meistns wichtig
Des wos i mächt, is nix wert

**Fia a wengal globt wern dad i vui
nur a kloane Belohnung fia mei Gfui
Ohne Anerkennung werd i zum Verbrecher
Lob mi und i bin dei Regierungssprecher**

Loß uns knian
und loß uns bäddn
Loß uns frohlocken
loß uns danga
Loß uns schwabben
in da nettn Fettn
Loß uns zappeln
am Fliangfanga
Tauch ma tiaf ins
Angst hobm ei
Loß ma Schwindla
mächtig sei

Loß uns schluchtn
voller Wehmut
Loß uns suhlen
in der Demut
Loß uns jammern
in der Not
Sei devot
Des is Gebot
Denn wuist ois
Zwergelr sicha sei
Griachst an Riesen gern
vo hintn nei

Fia a wengal ...

